



Broj:05-18-1-6607/26
Sarajevo, 01.07.2026. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), člana 21.a Odluke o radnom vremenu u određenim djelatnostima na području Općine Novo Sarajevo („Službene novine Kantona Sarajevo“, broj 24/05, 27/05 – ispravka i 11/08 – Prečišćeni tekst, Odluke o dopuni Odluke o radnom vremenu u određenim djelatnostima na području Općine Novo Sarajevo broj: 02OV-01-1-6565/26 od dana 30.06.2026.), Općinska načelnica donosi

ZAKLJUČAK

o privremenom produženju radnog vremena ugostiteljskih objekata na području Općine Novo Sarajevo povodom održavanja javnog praćenja utakmice fudbalske reprezentacije Bosne i Hercegovine na Svjetskom prvenstvu u fudbalu 2026. godine

I

Povodom održavanja javnog praćenja utakmice fudbalske reprezentacije Bosne i Hercegovine na Svjetskom prvenstvu u fudbalu 2026. godine, koja će se odigrati u noći sa **1. na 2. juli 2026. godine**, odobrava se privremeno produženje radnog vremena ugostiteljskim objektima na području Općine Novo Sarajevo.

II

Ugostiteljskim objektima iz tačke I ovog Zaključka odobrava se rad do **05:00 sati dana 2. jula 2026. godine**.

III

Za vrijeme trajanja produženog radnog vremena ugostiteljski objekti dužni su postupati u skladu sa propisima kojima se uređuju javni red i mir, zaštita od buke, zaštita od požara, kao i drugim važećim propisima, te postupati po zakonitim nalogima nadležnih organa.

IV

Produženje radnog vremena iz ovog Zaključka može se koristiti isključivo radi omogućavanja praćenja utakmica fudbalske reprezentacije Bosne i Hercegovine, uz obavezu ugostiteljskih objekata da svoju djelatnost obavljaju u skladu sa propisima kojima se uređuju javni red i mir, zaštita od buke, zaštita od požara i drugim važećim propisima, te poštuju zakonite naloge nadležnih organa.

V

Ovaj Zaključak stupa na snagu danom donošenja, a primjenjuje se **isključivo u noći sa 1. na 2. juli 2026. godine**, odnosno do **05:00 sati dana 2. jula 2026. godine**, nakon čega prestaje važiti.

VI


Ovaj Zaključak objavit će se na službenoj internet stranici Općine Novo Sarajevo i dostaviti Policijskoj upravi Novo Sarajevo, nadležnim inspeksijskim organima i drugim nadležnim institucijama radi upoznavanja i postupanja u okviru njihovih zakonom utvrđenih nadležnosti.

OBRAZLOŽENJE

Ministarstvo unutrašnjih poslova Kantona Sarajevo uputilo je inicijativu za privremeno produženje radnog vremena ugostiteljskih objekata radi organizovanog javnog praćenja utakmice fudbalske reprezentacije Bosne i Hercegovine na Svjetskom prvenstvu u fudbalu 2026. godine.

Kako je Općinsko vijeće dopunom Odluke o radnom vremenu u određenim djelatnostima ovlastilo Općinsku načelnicu da u izuzetnim okolnostima i kada za to postoji javni interes posebnim zaključkom može privremeno odrediti drugačije radno vrijeme, stekli su se uslovi za donošenje ovog zaključka.

Imajući u vidu značaj sportskog događaja, veliki interes građana za organizovano javno praćenje utakmice, kao i potrebu usklađenog postupanja sa nadležnim organima radi očuvanja javnog reda i mira, zaštite sigurnosti građana i nesmetanog odvijanja događaja, odlučeno je kao u dispozitivu ovog zaključka.



Dostavljeno:

1. Policijskoj upravi Novo Sarajevo
Zmaja od Bosne 15,
2. Kantonalnoj upravi za inspeksijske poslove Kantona Sarajevo
Sarajevo, Aleja Bosne Srebrene bb,
3. Općinskoj nadležnoj inspekciji – ovdje,
4. u spis,
5. a/a;